

Bosnia and Herzegovina  
Federation of Bosnia and Herzegovina  
**CANTON SARAJEVO**  
**Ministry of Internal Affairs**

Broj: 01-7-02-2-2026/20  
Sarajevo, 06.04.2020.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničko pitanje zastupnika Elvisa Vreto, dostavlja se;

**VEZA:** Vaš akt broj: 01-04-8603-7/20 od 30.03.2020. godine.

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje, koje je dana 30.03.2020. godine podnio zastupnik Elvis Vreto.

**Prilog:**

-Akt Uprava policije broj: 02/2-02-2-1505/20 od 03.04.2020. godine,  
-CD;

**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



**MINISTAR**



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



Bosna i Hercegovina  
Federacija Bosne i Hercegovine  
**KANTON SARAJEVO**  
**MINISTARSTVO UNUTRAŠNJIH POSLOVA**  
**Uprava policije**  
**SARAJEVO**

Broj: 02/2-02-2-1505/20.

Datum: 03.04.2020. godine

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
MINISTARSTVO UNUTRAŠNJIH POSLOVA  
SARAJEVO

06-04-2020  
02.11.20

|            |                |            |              |
|------------|----------------|------------|--------------|
| Primljeno: | 11 6 -04- 2020 |            |              |
| Org. jed.  | Klasif. oznaka | Redni broj | Broj priloga |
| 01-7       | 022            | 2026       |              |

**MINISTARSTVO UNUTRAŠNJIH POSLOVA KANTONA SARAJEVO**  
**- n/r Šekretaru**

**PREDMET: Zastupničko pitanje zastupnika Vreto Elvisa, odgovor,**  
**d o s t a v l j a s e;**

**VEZA:**      Vaš akt broj: 01-7-02-2-2026/20 od 30.03.2020. godine;

Zastupnik Vreto Elvis je dana 30.03.2020.godine postavio nekoliko zastupničkih pitanja, koja se odnose na konkretne načine postupka provjere, postupku i načinu kažnjavanja sa dnevnim pregledom i preduzetim mjerama u suzbijanju pojave krešnja mjera za osobe kojima je izrečena pisana mjera samoizloacije vezano za pandemiju sa Corona virusom. Tom prilikom je zatražena informacija koja će sadržavati podatke od 20.03. do dana podnošenja pitanja. Izvršenim uvidom u dostavljeni akt utvrdili smo da je pitanje pod rednim brojem 1. u nadležnosti Uprave policije MUP-a Kantona Sarajevo.

**Zastupničko pitanje:**

„Na koji način MUP i policijski službenici vrše provjeru navedenih lica i šta poduzimaju nakon što ustanove da osoba ne poštuje izdatu mjeru, tražim odgovor o broju lica za svaki dan pojedinačno od 20. marta kao i odgovor koliko je novih lica, koliko ponavlja ili u kontinuitetu krši mjeru?“

**Odgovor na zastupničko pitanje:**

Poštovani,

Nakon proglašenja pandemije korona virusa (COVID19) od strane Svjetske zdravstvene organizacije i Odluke Vlade Kantona Sarajevo o proglašenom stanju prirodne i druge nesreće zbog opasnosti od širenja zarazne bolesti uzrokovane koronavirusom(COVID 19) na području Kantona Sarajevo broj: 02-04-7986-1/20 od 18.03.2020.godine, Uprava policije MUP-a Kantona Sarajevo je u okviru svojih nadležnosti preduzele neophodne mjere i radnje na praćenju trenutne situacije u vezi sa pojavom ove zarazne bolesti u smislu blagovremene pripreme i iznalaženja rješenja u vezi sa zaštitom uposlenika i policijskih službenika za koje se pretpostavljalo da će biti jedna od najugroženijih kategorija. U tom smislu zatražene su konkretne upute za postupanje policijskih službenika u situacijama neposrednog kontakta sa osobama za koje se sumnja da su zaraženi ovim virusom. Osim toga zatražena je nabavka opreme za adekvatnu zaštitu uposlenika i dezinfekciju prostorija i službenih vozila.




Ostvarena je dobra saradnja sa Kriznim štabovima i drugim organima koji su uključeni u borbu za sprečavanje širenja ove zaraze, te je dogovoren način razmjene informacija i podataka koji su neophodni za uspješno djelovanje na terenu. Policijskim službenicima Uprave policije je u nadležnost dat zadatak provjere poštivanja izrečene zabrane kretanja/izolacije za sva lica sa područja Kantona Sarajevo kojima je od strane nadležne Uprave za inspekcijske poslove ili drugog organa izrečena navedena mjera. Ustanovljen je način razmjene podataka da Federalna uprava za inspekcijske poslove i Kantonalna uprava za inspekcijske poslove Kantona Sarajevo, Republički inspektorat Republike Srpske putem e-mail adrese Upravi policije MUP-a Kantona Sarajevo dostavljaju relevantne podatke ( spiskove i rješenja ) za sva lica kojima je od strane sanitarnih inspektora izrečena mjera zabrane kretanja, dok Ministarstvo zdravstva Kantona Sarajevo rješenja dostavlja putem pisarnice. Po prijemu rješenja i spiskova isti se distribuiraju nadležnim policijskim upravama, gdje policijski službenici izlaze na teren i na prijavljenim adresama vrše provjeru da li osobe sa spiska poštuju naložene mjere. Nakon što se na terenu izvrše provjere za sva lica koja se ne zateknu na adresi koju su prijavili nadležnom inspektoru sačinjava se službena zabilješka i dostavlja Upravi za inspekcijske poslove koja je izadala rješenje radi pokretanja prekršajnog postupka. Ukoliko se utvrdi da pojedina lica ne borave na prijavljenoj adresi, a dođe se do saznanja gdje isti borave takav podatak se dostavlja nadležnoj policijskoj agenciji kako bi se izvršila kontrola poštivanja naložene mjere od mjesno nadležne policijske uprave. U određenim slučajevima kada policijski službenici u svakodnevnom radu na terenu dođu do saznanja ili po dojavu građana dođu do podataka da je određeno lice ušlo u Bosnu i Hercegovinu, odnosno Kanton Sarajevo sa područja drugih država, a da isto nije obuhvaćeno spiskom ili da mu nije uručeno rješenje o zabrani kretanja, vrše provjere tih informacija sačinjavaju službene zabilješke i hitno obavještavaju nadležnu Upravu za inspekcijske poslove kako bi se istom izdalo odgovarajuće rješenje o zabrani kretanja.

U postupku razmjene podataka i ažuriranja spiskova, odnosno sagledavanja poštivanja naloženih mjera izolacije, redovno se sačinjavaju tabelarni pregledi i dostavljaju nadležnim organima. Zbog hitnosti zatraženog odgovora i same opterećenosti prioriternim poslovima bilo bi vrlo teško u kratkom roku prikupljati podatke za traženi period.

Što se tiče lica koja ponavljaju kršenje izrečene mjere zabrane kretanja Uprava policije je na osnovu podataka dobijenih sa terena sačinila spisak na kojem se nalazi 168 lica sa područja Kantona Sarajevo i iste dostavila nadležnim Upravama za inspekcijske poslove kako bi nam u svrhu razmatranja pokretanja krivične odgovornosti (u skladu sa preporukom Federalnog štaba civilne zaštite broj: 12-40-6-148--48/20 od 24.03.2020.godine) dostavili odgovarajuće kopije rješenja kojima se izriče mjera zabrane kretanja, odnosno obavijest o eventualnom pokretanju prekršajnog ili drugog postupka.

Takođe je Uprava policije informaciju sličnog karaktera dostavila Kantonalnom tužilaštvu Kantona Sarajevo od kojeg je zatraženo očitovanje u vezi krivičnog procesuiranja ovih osoba zbog postojanja osnova sumnje da su počinili krivično djelo iz člana 225., odnosno 226. KZ F BiH "Krivična djela protiv zdravlja ljudi", a vodeći računa o načelu "ne bis idem" propisano Zakonom o krivičnom postupku F BiH, što se primjenjuje i u Zakonu o prekršajima FBiH.



**POLICISKI KOMESAR**  
Gen. ....ktor policije

**Nusret Selimović**